

堅

瓠

集

序

稼軒褚先生以堅瓠名其書且不敢自比於莊叟五石之瓠以示其無用然人徒知有用之爲用而不知無用之爲用極之而大易所謂潛龍勿用道家所謂

序

毛

丁

外其身而身存皆由此推焉耳
先生負雋才歷落不偶無志用
世遂覃思撰述而於有明一代
纂輯特備至 昭代六十餘年
耳目所及尤不遺餘力焉大旨
主於維風教示勸懲博物洽聞

闡幽探蹟下逮閭巷歌謡閨閣
懷思之細無不取之秘笈先後
問世其所鑒初集即以余燈謎
詩列之卷首方自慚雕蟲小技
有乖大雅後相晤吳門傾蓋定
交隨出全集屬序予以碌碌未

遑報命今春復相遇於武林把
辭談心者累日因即草數言以
應嗟乎天下之無用孰有過於
余者乎少年浮沉宦海垂老無
成比來有志名山之業而卮言
靡當徒爲覆瓿之藉是所謂繫

而不食者惟鄙陋足以當之而以序先生之書其亦猶有蓬之心也夫

遂安年家弟毛際可撰

堅瓠四集卷之一目錄

心相

宅相

風木

白黑豈

托故移寓

改戒石銘

吳氏女

紅友

吃語詩

四喜係字

野叟獻詩

賈巡按懲惡

李西涯失朝

進藥

藥山淨瓶

詩呈冢宰

賣癡呆

打得好

錢婆留

黃花女兒

美人八詠

秋日宮詞

春情詞

殿師救人

張小舍

曾純甫詞

驪山碑字

滕屠鄭酤

蟲蟲飯

太冬烘

徐文貞諭僕

華容令

嘲肥姪

范秋蟾

詩丐

樓米

神對

老妓題詩

劒池石扉

鬼詩

乩仙題詞

墜馬傷足

妻妾爭寵

抱琴訪友

古琴化女

東坡詞

組扣詩

題路程圖

戰詩召辛

李妙惠

木蘭

木蘭復見

今木蘭

詐爲男子

王貞婦

王婉容

司花女

徐雪翹

蔡箏娘

長孫歐陽相嘲

紅線

重刻褚石農堅瓠集卷之二

甬上留香閣主人較刊

心相

灼艾集吳處厚論心相有三十六善與捫
虱新話所載互有不同撮其異者附見於
下焚香讀書一也有剛有柔二也慕善近
君子三也安分知命旃美食四也不近小
人五也委曲行陰德方便事六也能治家

七也不厭人乞覓八也能改過利己人九也
不逐惡貪殺十也聞事不驚張十一也與
人期不失信十二也不改行易操十三也
夜卧不便睡着十四馬上去不回頭十五
十四也無作好作惡十五也無不談亂人
僧十六也不譚閭閻事師不文過十七也作
事周匝十八也不忘人恩十九也有大量
二十也揚善掩惡不改善二十一也急难

中濟人寬慰人二十二也不助強欺弱二
十三也不忘故舊二十四也爲事與衆用
之二十五也知人詐譌含容之不多言二
十六也得人物每事慚媿二十七也語有
序二十八也當人語次不先起二十九也
喜言善事三十也不嫌惡衣食三十一也
不面訐人方圖三十二也省約惜福行善
三十三也知人飢渴勞苦三十四也不念

舊惡三十五也常思退步結果勸三十
六也全者福祿令終不全禍福半之故相
形不如相心求人相不如自相

宅相

戒庵漫筆空青先生風水論云陽宅有三
十六祥居家尙理義一也子孫畊讀二也
儉勤三也無峻宇雕牆四也六婆不入門
五也無俊僕六也每聞紡織聲七也能睦

鄰族八也早完官稅九也庭除洒掃十也
門外多士君子十一也閨門嚴肅十二也
尊師重賢十三也宴客有節無長夜之飲
十四也不延妓女至家十五也不敢暴殄
天物十六也居喪循禮十七也交易分明
十八也女人不登山入廟十九也祭祀必
恭必敬二十也幼者舉動必稟命於家長
二十一也故舊窮親在座二十二也閨人

謙婉二十三也家僮無鮮衣惡習二十四
也不喜爭訟二十五也不信禱賽二十六
也不聽婦人言二十七也寢興以時二十
八也不聞嘻笑罵詈二十九也婚娶不慕
勢利三十也田宅不求方圓三十一也主
人有先幾遠慮三十二也務養元氣三十
三也座右多格言莊語三十四也能忍三
十五也常畏清議畏法度畏陰陽三十六

也三十六祥全者鬼神福之子孫保之不
則下手速修所謂移門換向趨吉避凶之
真訣也

風水

朱倪思父云住場好不如肚腸好墳地好
不如心地好又朱誼山謙父贈地理師云
世人盡知穴在山豈知穴在方寸間好山
好水世不欠苟非其人尋不見我見富貴

人家墳往往矣時本貧賤迨其富貴力可
求人事極時天理變前輩口占云你也看
我也看自有天然地一段重重包裹在中
間不須錢買無人見錢水部仁夫詩云尋
山本不爲親謀大半多因富貴求肯信人
間好風水山頭不在在心頭

白黑荳

性理古人澄治思慮於坐處靜兩器每起

一善念則投白荳一粒於器中每起一惡
念則投黑荳一粒於器中初時黑荳多白
荳少後曰荳多黑荳少後來遂不復有黑
荳最後雖白荳亦無之矣

托故移寓

太倉陸文量容少美手餞天順中應試金
陵館人有女善吹簫夜奔公寢文量給以
疾與期後夜女退文量作詩云風清月白

夜窓虛有女來窺笑讀書欲把琴心通一
語十年前已薄相如遲明托故遷去是秋
領鄉薦

改戒石銘

韻語晨鐘宋太宗書戒石銘示守令後貪
酷如故有輕薄予附益之曰爾俸爾祿難
厭難足民膏民脂轉吃轉肥下民易虐統
捉便着上天難欺且待臨時

吳氏女

宋湖州吳氏女美慧能詩坐姦繫獄時王
龜齡爲守命以冬木雪消春日且至爲題
作長相思令女援筆立就日烟霏霏雲霏
霏雪向梅花枝上堆春從何處回醉眼開
睡眠開踈影橫斜安在哉從教寒管催
蛩齡賞嘆而釋之

紅友

崔林玉露常州宜興縣黃上村東坡南遷
北歸與單秀才閒步至其地地主攜酒來
餉曰此紅友也坡曰人知有紅友而不知
有黃封可謂快活余嘗因是言而推之金
貂紫綬誠不如黃帽青簑朱轂繡鞍誠不
如芒屨藤杖醇醪黍牛誠不如白酒黃雞
玉戶金鋪誠不如松窓竹屋無他其天者
全也

吃語詩

文海披沙東坡有吃語詩云故居劔閣隔
錦官柑果薑桂交荆菅竒孤甘掛汲古綆
僂覬敢揭鈎金竿已歸耕稼供藁稊公貴
幹蠹高巾冠更改句格各蹇吃姑固狡獪
加間闕又戲武昌王居士詩云江干高居
堅闕扃捷耕躬稼用掛經萬竿繫芻菰茭
隔笳鼓過軍維狗驚解襟顧景各箕踞擊

劍麈歌幾舉觥荆筭供膾媿撓聒軋鍋更
憂甘瓜羹一友舉孝廉口吃唯流音念不
正一日雨中與徐興公各賦絕句爲吃人
念不得詩以遺之余得二首云綠柳龍樓
老林蘿嶺路涼露來漣漏冷兩淚落劉郎
又梨嶺連連路蘭陵累累樓琉璃憐冷落
郎輦懶來留興公得一首云留戀蘭陵令
淋漓兩淚流嶺蘿涼美瀨路柳綠連樓

四喜添字

湧幢小品舊有四喜詩曰久旱逢甘雨他鄉遇故知洞房花燭夜金榜掛名時降屢戊辰科有以教官登第館選者山陰王對南家屏相戲曰四喜只五言未足爲喜當添二字曰十年久旱逢甘雨萬里他鄉遇故知和尚洞房花燭夜某公大笑曰莫說莫說是教官金榜掛名時了聞者絕倒萬

曆壬辰科閩縣翁青陽正春以教官登第
賜第一甲第一名同館黃平倩汝良戲曰
四喜七言猶未了當當於後再添三字衆
問之曰第一句添帶珠子第二句曰舊可
兒第三句曰選駙馬第四句曰中狀元翁
聞亦解頤○醒睡編又有失意詩曰寡婦
攜兒泣將軍被敵擒失恩公主面下第舉
人心

野叟獻詩

楊文懃守陳字維新其先未有仕者至文
懃與弟守世相繼發解登第守隨守隅暨
子茂元茂仁茂義咸進士父子兄弟同朝
七人俱爲顯官居第在縣南鏡川有野叟
獻詩曰昔年曾向此中過門巷幽深長薛
羅令祖先生方秉鐸賢孫學士未登科將
軍曹氏墳連隴賣酒王婆店隔河今日重

看新第宅烟波緩棹聽絃歌文懃歎賞謂
叟曰君詩誠吾家傳也當珍示後人云

賈巡按懲惡

嘗熟賈宗錫巡按江西群豪屏跡後少解
學士張元禎以詩投之曰禹門三級浪滔
天處處漁翁罷釣船昨日隣家邀我飲盤
中依舊有魚鮮賈謝教竟窮惡黨

李西涯失朝

李西涯居翰林時曾失朝有罰翰林舊有
語曰一生事業惟公會半世功名只早朝
西涯改只爲失續兩句云更有運灰并運
炭貴人身上不會饒

進藥

嘉靖中邊警甚急朱某方進長生藥以希
進用或題詩驛壁云武將冒封文職死都
門牢閉九邊開滿天驛路紅塵起又報朱

郎進藥來○無錫顧可學以兩司考察罷
歸乃從方士煉秋石入京獻之云可却病
延年時上方事長生之術服之頗驗三四
年間超遷至禮部尚書縉紳醜之弗與交
惟分宜華亭及羽流陶仲文等時時相聚
講房中術而已每行長安道上氓隸輩競
觀之呼曰顧嘗尿來矣以音與尚書相似
也死謚榮僖降慶初削奪

藥山淨瓶

頂門針李翱仰慕藥山直造座前藥山端
然不動翱曰見面不如聞名拂衣便去山
召回云何得貴耳而賤目翱遂致拜起問
如何是道山上指天下指淨瓶問翱曰會
麼翱曰不會山曰雲在青天水在瓶翱乃
贈詩云鍊得身心似崔形千株松下兩函
橫我來問道無餘事雲在青天水在瓶

詩呈冢宰

正德間朝議欲起三原王冢宰宗貫恕汝
南強景明寄詩云八十耆年一品官歸來
清節雪霜寒雖然海內歸心在可奈君前
下拜難陽鶚恐疑威鳳起風雲長護老龍
蟠三公事業三槐傳留取宗名久遠看公
得詩大悅竟不起年九十有三卒

賣癡呆

蘓州除夕小兒謠云賣癡呆十貫賣汝癡
萬貫賣汝呆現買儘多送要賒隨我來又
范至能賣癡呆詞除夕更闌人不睡厭禳
鈍滯迎新歲小兒叫呼走長街云有癡呆
召人買二物於人誰獨無就中吳人仍有
餘巷南巷北賣不得相逢大笑相揶揄裸
翁現坐重簷下獨要買添令問價見云翁
買不須錢奉賒癡呆千百年

打得好

姚園客露書易公守莆田一以寬厚爲政
有夫毆婦者甲見其已甚爲不平毆其夫
婦見甲毆其夫還同夫毆甲甲言爲爾出
氣反同毆我拉以見易易批其詞云福州
剪子雲南刀廣東茶鉋蘓州絲擲示兩造
兩造不解易復取足之云打得好打得好
兩造笑謝而去

錢婆留

湘山野錄梁太祖卽位封錢武肅鏐爲吳
越王時有諷錢拒其命者錢笑曰吾豈失
爲孫仲謀耶遂殺之改其鄉臨安縣爲錦
衣軍省坐鼙延父老旌鉞鼓吹振耀山谷
自昔釣游之所盡蒙以錦繡至樹石或有
封官爵者舊貿鹽肩擔亦裁錦韜之一隣
媼九十餘攜壺漿相迎於道鏐下車亟拜

媼撫其背呼其小字曰錢婆留喜汝長成
蓋初生時光怪滿室父懼將沉於溪此
媼酤留之遂字焉爲牛酒大酺以飲鄉人
別張蜀錦爲廣幄以飲鄉婦凡男女八十
已上金尊百歲已上玉尊時黃髮飲王者
十餘人鏐起執爵唱還鄉曲以娛賓曰三
郎還鄉兮掛錦衣吳越一王駟馬歸臨安
道上列旌旗碧天明兮愛日輝父老遠近

來相隨家鄉眷今會時稀斗牛光起天無
欺時父老雖聞歌進酒不曉其義鏐亦竟
其歡意不甚浹洽再酌酒高唱山歌以見
意詞曰爾輩見儂底歡喜別是一般滋味
子常在我儂心子裡歌闌合聲麀賁呌笑
振席而別

黃花女兒

吳士召乩仙署曰黃花女兒問其氏族曰

金閨王氏生時與黃生歡好一生愛插黃
花人呼黃花女兒問卿是天逝耶曰年十
五而殞問黃生安在曰相繼亡矣今與同
寢處若人間伉儷也衆乞詩遂題數語云
忘不了對攏雙袖忘不了佳期月下偷忘
不了柳邊花映黃昏後忘不了羅帳綢繆
忘不了紗窓風雨清明候忘不了多病心
情懶下樓風流蘊藉字有餘香

美人八詠

陳克明有美人八詠春夢云梨花雲遠錦
香亭蝴蝶春融軟玉屏花外鳥啼三四聲
夢初驚一半兒昏迷一半兒醒春困云鎖
窗人靜日初暝寶鼎香消火尚溫斜倚繡
牀深閉門眼昏昏一半兒微開一半兒眊
春妝云自將楊柳品題人笑撚花枝比較
春輪與海棠三四分再偷勻一半兒胭脂

一半兒粉春愁云厭聽野鶻語雕簷怕見
楊花撲繡簾拈起繡鍼還倒拈兩眉尖一
半兒微舒一半兒歛春醉云海棠紅暈潤
初妍楊柳纖腰舞目偏笑倚玉奴嬌欲眠
粉郎前一半兒支吾一半兒軟春繡云綠
窓時有唾茸粘銀甲頓將綵線持繡到鳳
凰心自嫌按春纖一半兒端詳一半兒掩
春夜云柳綿撲檻晚風輕花影橫意淡月

明翠被麝蘭薰夢醒最閑情一半兒溫和
一半兒冷春情云自調花露染霜毫一種
春心無處描欲寫爲殘三四遭絮叨叨一
半兒連真一半兒草

秋日宮詞

張小山秋日宮詞云花邊嬌月靜妝樓葉
底蒼波冷翠溝池上好風閒御舟可憐秋
一半兒芙蓉一半兒柳咏梅云枝橫翠竹

暮寒生花淡紗窗殘月明人倚回樓羌笛
聲惱詩情一半兒清香一半兒影

閑漢卿春情

閑漢卿春情詞云雲鬟霧鬢勝堆鴉淺露
金蓮濕絳紗不比等閒墻外花罵你俏冤
家一半兒難當一半兒耍碧紗牕外靜無
人跪在床前忙要親罵了箇負心回轉身
雖是話兒嗔一半兒推辭一半兒肯

殿帥揀火

臨安志宋臨安紹定辛卯之火太廟俱灰
而史彌遠府獨全賦作謫蓋殿帥馮時力
爲撲護耳洪舜俞詩云殿前將軍猛如虎
救得汾陽令公府祖宗神靈飛上天可憐
九廟成焦土則權臣之威加天子一等矣

張小舍

張小舍居維亭世爲公家弭盜故吳諺有

天弗怕地弗怕只怕維亭張小舍之語按
張小舍名浩字彥廣號南坡沈石田之外
祖徐武功有貞撰張處士墓誌石田乞之
也

曾純甫詞

宋南渡後汴京繁華鞠爲烟草曾純東丞
使過汴賦金人捧露盤詞云記神京繁華
地舊遊踪正御溝春水溶溶平康巷陌繡

鞍金勒躍青驄解衣沽酒醉絃管柳絲花
紅到如今餘霜鬢嗟前事夢魂中但寒
煙滿目飛蓬離欄玉砌空餘三十六離宮
寒笳驚起暮天雁寂寞東風

驪山碑字

驪山下逍遙別業蓋韋嗣所建中宗嘗幸
之賦詩勒石在焉一夕忽失碑字換墨題
云曉星明滅白露點秋風落葉故址頽垣

冷烟衰草前朝宮闕長安道上行客依舊
名深利切改變容顏消磨今古隴頭殘月

滕屠鄭酤

王荆公素不樂滕元發鄭毅夫目爲滕屠
鄭酤二公性豪邁不病其言毅夫爲相偶
送客出郊外過朱亥塚俗謂之屠兒原作
詩云高論唐虞儒者事實交負國豈勝言
憑君莫笑夷門客却是屠酤解報恩

晶蠶飯

語林蘓東坡嘗與劉貢父言某與舍弟習制科時日享三白食之甚美不復信人間有八珍也貢父問三白之說坡言是一碟塩一碟生蘿蔔一盞飯貢父大笑久之作黃山以簡招坡吃晶飯坡不復省憶比至赴食見案上所設惟蘿蔔塩飯而已始悟貢父以三白爲晶援箸食之幾盡而去後

數日東坡亦召貢父食糲飯貢父雖知其
戲但不知所設何物及往談論過午並不
設食貢父饑甚索飯坡云少待如此再三
坡荅如故貢父曰饑不可忍矣坡徐曰盪
也毛羅蔔也毛飯也毛蓋蜀音謂無曰毛非糲而
何貢父捧腹曰固知君報東門之役然慮
不及此坡始命設饌抵暮乃去

大冬烘

鄭侍郎薰主文衡疑顏標是魯公之後卽以標爲狀元謝日問之標曰寒進無此始知誤取時嘲之曰主司頭腦太冬煖錯認顏標作魯公按冬烘是不了了之語蜀人多稱之○避暑錄話崇寧末安國同爲郎成都詹某爲諫官以安國嘗建言移寺省上章擊之畧云謹按某官人材闕冗臨事冬烘以某蜀人也安國性隱而口吃每戟

手躍於衆曰吾不辭譴逐但冬烘爲何等
語於是傳之益廣遂目爲冬烘公

徐文貞論僕

徐文貞階歸里適海剛峰蔡春臺蒞吳按
其事鄉人多登門罵詈文貞諭僕云慎勿
報復譬之大齒人人亦嚙大耶口占云昔
年天子每稱卿今日煩君罵姓名呼馬呼
牛俱是幻黃花白頭且陶情

華容令

郁勳弱冠爲華容令素善謔作詩曰華容
知縣是區區三甲多因不讀書縣丞主簿
皆僚友通判同知總上司忙裏無心吞冷
飯閒中有口嚼乾魚前世業緣今世苦華
容知縣是區區

嘲肥甦

吳明卿國倫二子皆肥而甦並饒才致喜

譚詭常往謁汪伯玉道尾辭歸索贈言伯
玉知其好詼諧乃口占云泰伯由來有後
昆身如泥塑面如盆喘月一雙肥水投拜
風雨箇壯江豚並肩儘教填深巷獨立還
堪塞大門其弟自謂稍清於兄乃啓伯玉
曰小姪不似家兄太胖老伯何不少分別
伯玉應聲曰正無結句只以兄此念足之
懸知裊娜無君分不必爭長踣脚跟

金佛還寺

汴報國寺有金佛三尊蓋宋真宗所鑄後
開封府主某八寺至後殿見門扃鑰疑僧
所私在內令開見佛像光芒閃爍問知金
身越數月喚僧借一尊到衙求嗣僧不與
府主怒吏陶某獻計假僧之門徒請僧僧
至半途一人邀入內奉茶有果拿下知是
娼婦家送府下獄陶說之私將金佛一尊

暗送釋僧僧于佛前斷小指焚香拜祝鬱鬱而死府主後將佛漆身送回家果得一男乳名佛生左手無小指彌月府主飲酒問一笑而死後男長成聰慧家遭火焚一貧如沈佛生遂出家扛擡漆佛沿門募化亦不知其爲金也後至汴寺僧夢佛還鄉次日佛生攜佛進寺僧見像語其故佛生見與二尊相同遂終止寺中

詩丐

湧幢小品詩丐者樂安人李姓名興生年
六十七患風痺籛條口箝眼啗手攣欲食
則仆卧於地乃能下咽欲言則畫地作字
始達其意然頗能詩董時望未第時遇丐
僉令獻董詩丐首肯須臾成句云鵬鷁直
翺霄漢遠龍泉高射斗牛光清時早展爲
霖手莫遺蒼生望八荒成化甲辰時望成

進士欲使養丐於官辭以老母在時望禮而厚遣之爲迷其事○弘光末南京失守一丐題詩武定橋上曰三百年來養士朝如何文武盡皆逃綱常留在卑田院乞丐羞存命一條投秦淮河而死食祿偷生有媿此丐多矣

樓米

吳江一士扶乩有神至衆未問而笑乩曰

諸生何笑對曰我笑汝未必神耳乚曰諸
生能解謎否闕且笑曰能做文章何況於
謎乚曰有二字作一謎曰長十八短八十
八箇女兒低處立混沌看來一箇字四面
看來四箇不汝輩猜之衆皆不解乃曰我
輩只會文字何暇及謎乚曰爾說會做文
字如何考了四等第二蓋爲首者近考各
數如此於是衆咸拜問謎是何字乚云乃

樓米二字也

神對

湧幢小品劉珙少時謁夢于大乾惠應祠
金牌上有曲巷勒回風五字未曉所以追
登第除諸王宮教授一夕上幸宮邸問諸
王何業珙荅以屬對時月照牕隙上曰可
令對斜牕拘明月諸王方思索問珙遽以
曲巷勒回風上曰此神語也

老妓題詩

太平興國寺牡丹盛開冠蓋駢集僧舍有
老妓題詩寺壁曰曾趁東風看幾巡
霜
閒喚滿城人殘枝剩粉憐猶在欲向彌陀
借小春見者稱賞遂復車馬盈門

劔池石扉

虎丘劔池云是闔閭埋玉處一潭清冷深
不可測宋紹定戊子忽乾曠中有石扉遊

人見扉上二絕云望月登樓海氣昏劒池
無底浸雲根老僧只恐山擣去日暮先教
鎖寺門 劒去池空一水寒遊人到此凭
闌千年來世事消磨盡只有青山依舊看

鬼詩

祝永清遊湖湘間泊舟沙際夜聞哀吟明
日見沙上大書一律云長鯨吹浪海天昏
兄弟同時弔屈平千古不消鬼腹恨一家

誰識雁行寬紅粧少婦空臨鏡白髮慈親
尙倚門最是五更悽絕處一輪明月照雙
魂

乩仙題詞

唐時舉子不第耻歸故里僦居寺刹謂之
過夏有人請乩仙飛筆題詞曰淒涼天氣
淒涼院宇淒涼時候孤鴻叫斜月寒燈伴
殘漏落盡梧桐秋影瘦鑑古畫眉難就重

陽又近也對黃花依舊後書過夏子題此
蓋金臺殞恨玉樓賁志者也

墜馬傷足

李西涯謔邵半江珪墜馬傷足云十年雙
足嬾詞場我亦憐君墜後傷歷塊敢誇千
里駿乘船翻笑四明狂扶顛老僕空隨路
學仆嬌兒漫倚堂應是崔家亭下鷺獨拳
秋雨向寒塘

妻妾爭寵

有妻妾爭寵者夫不能調和乃獨眠一室
命婢伴宿中夜吟詩云兩隻船兒獨自撐
一篙不到便相爭下韵未續婢忽歎氣夫
遂得句云了鬟歎氣因何故野渡無人舟
自橫

抱琴訪友

雪庵和尚題抱琴訪友圖云三尺焦桐七

線琴迢迢遠遠訪知音題未畢一道人過
足云不知誰是知音者彈破乾坤萬古心

古琴化女

蘇東坡宿靈隱山房夜聞怨外有女子歌
云音音音你負心真負心辜負俺到如今
記得當初低低唱淺淺斟一曲值千金如
今拋我在古牆陰秋風荒草白雲深斷橋
流水何處尋淒淒切切冷冷清清東坡推

窓郎之見女子冉冉沒于嚮下明日掘取
得古琴一張

東坡詞

蕪東坡述懷有行香子詞云清夜無塵月
色如銀酒斟時須滿十分浮名浮利休苦
勞神似隙中駒石中火夢中身雖抱文
章開口誰親且陶陶樂取天真不如歸去
作箇閒人背一張琴一壺酒一溪雲

紐扣詩

解大紳見女人衣上用數重紐扣作詩謔
之曰一幅鮫綃剪素羅美人體態勝姮娥
春心若肯半開鎖紐扣何須用許多

題路程圖

紹興間西湖白塔橋卽賣朝京路經或題
詩云白塔橋邊賣地經長亭短驛甚分明
如何只說臨安路不數中原有幾程

丐面掌痕

成化間湖州凌漢章針術神靈擅名吳浙曾於市中見一丐形軀長大貌兇惡頰上天生一手掌痕有十餘丐從之旣去漢章問於市人市人曰此丐姓聶父某爲司務官因早朝吏失携笏板怒而掌其面仆地死後妻有娠聶一日忽見前吏入門徑入其室遂生一子掌痕宛然在面父心知之

始能言卽有報仇之語比長日以殺父爲
事雖謹防之幾被其弑者屢矣不得已逃
避他鄉不知所往其子遂縱酒色蕩盡家
業至爲丐漢章感其事作詩記之曰平生
不信有陰魂丐面而今見掌痕寄語世間
君子道莫教結怨種冤根

承發房詩

碧里雜存余於禮部承發房見壁間一詩

曰骨體今年異衣裳昔日殊讀書須努力
寫字莫胡塗白水翻三峽青山出兩都吾
衰竟何以賴爾得相須不知何人作亦無
題詳味之必蜀人有辦事者寄子之詩也
雖雜之少陵集中亦不能辨

償金獲報

朱劉懋越鄉授徒歲暮歸道逢孕婦携兒
欲赴水詢之知爲債所迫因傾囊中七金

與之婦而妻詢之亦無愠色簞酒炙蝦爲膳因口占云蝦小紅爐炙酒熟布裙簞歲旦開門見續題云門將金鎖鎖簾掛玉鉤鉤居數日有以吉壤告者曰金鉤掛玉簾形也懋以葬母遂生文簡煥文安炳○明進賢舒翁以館穀救途中投水婦抵家無米採苦菜食之夜間聞神語云今宵食苦菜明年產狀元果生芬正德丁丑魁天下

狸啣雞

碧堅雜存吳康齋與弼以司成之子家貧
締裕禦冬躬耕食力人不能堪而怡然終
身嘗有詩曰淡如秋水貧中味和似春風
靜後功家蓄一雞司晨爲狸所啣作詩焚
於土穀神祠曰吾家住在碧巖山養得雄
雞作鳳看却被野狸來啣去恨無良犬可
追還甜株樹下毛猶濕苦竹叢頭血未乾

皇朝集 卷一 三
本欲將情訴上帝題詩先告社公壇後一
夕雷雨天明人見狸震死壇前

和盜詩

湧幢小品泰和鄧學詩性至孝元末母子
爲盜所獲盜魁知其儒者且孝哀之與酒
食口占一詩命之和約和免死盜詩曰當
此干戈際負母沿街走遇我慈悲人與汝
一杯酒我亦有佳兒雪色同冰藕亦欲如

汝賢未知天從否鄧和曰鐵馬從西來滿
城人驚走我母年七十兩脚如醉酒白刃
加我身一命懸絲藕感公恩如天未知能
報否盜喜道之出城得遠去後以薦爲教
職考終嗟嗟此盜有人心可令應舉或加
納授官定爲循良之吏

遊客酬讌

唐末徐寅博學能文善詩賦謁朱全忠誤

犯其諱全忠色變寅狼狽走出未及門全忠呼知客將責以不先告語斬之寅欲遁去恐不得脫乃作過太原賦以獻其略曰千金漢將感精魄以神交一眼胡奴望英風而膽落全忠讀至此大喜令軍士誦之敕一字酬一縑贈絹五百餘疋全忠嘗自言夢淮陰侯授兵法一眼胡奴指李克用也

水燈

俗傳七月十五日爲中元節僧家建盂蘭
盆會放燈西湖謂之照冥張伯雨集句云
共泛蘭舟燈火闌不知風露濕青冥如今
池底休鋪錦此又槎頭宜掛星爛若金蓮
另夜炬空干雲母隔秋屏却憐牛渚清狂
甚苦欲燃犀走百靈明劉邦彥亦有詩云
金蓮萬朶漾中流疑是潘妃夜出遊光射

魚龍離窟宅影搖鴻雁亂汀洲
凌波未必通銀浦趁月偏憐近綵舟
忽憶少年清泛處滿身風露獨凭樓

揚州

隋唐以後之揚州秦漢以前之邯鄲皆大
賈走集筵歌粉黛繁華之地古語云騎鶴
上揚州以騎鶴爲神仙事而揚州又人間
佳麗地也前人詩云一上維揚路覺遙野

塘烟柳認隋朝美人南國生猶盛芳草東
風怨未消唐張祜詩云十里長街市井連
月明橋上有神仙人生只合揚州死禪智
山光好墓田王建詩云夜市千燈照碧雲
高樓紅袖客紛紛如今不是濠平日猶自
笙歌徹夜聞徐凝詩云天下三分明月夜
二分明月在揚州杜牧寄揚州韓判官詩
二十四橋明月夜玉人何處教吹簫

劉長生石像

萊州有神仙洞郡人到長生學仙處也有
石像臥榻面有小竅水出不涸郡人云舊
有太守劉某見石像面有贅疣因命工削
平後劉面生一瘡如削狀祭之方愈故創
處常有水出陳尚書洪謨詩曰面帶微痕
淚若流可憐太守過爲謀仙家慣說能屍
解一不緣何念不休

三黜說

崇正甲戌會元乃金壇李竹君青時艾千
子南英不第自刻遺墨贅以題解并摘元
卷中疵語欲揭之禮部主司聞之大恐謀
於呂匪庵一經先生以任禮部郎磨勘乃
其職也匪菴曰深陽陳百史尚未出都速
將百金構其文代刻元稿傳送此事可解
主司如言刻成于見之心服急毀前文

其事乃寢竹君嘗著三黜說魯之季三家
擅命以士師爲爪牙吏非其親暱不授受
是職者皆奴隸使也每三家飛片紙則盥
手擎頂藉奉尺一之君令於上曰臣誰敢
不奉詔者時士師有有肉無骨之謂囂強
鋤弱怨聲塞路迨孔子攝相特簡柳下惠
爲士師其初視事也卽榜詔於門曰舍狐
狸問豺狼或曰此專爲三家發也於是三

家黨羽皆屏息不敢咳唾曰畏柳士師而
一時磔黜小民又微窺士師風旨專候權
門短長爲巷議三家街之召同黨誅之野
曰柳士師爲我害奈何有彈者吾子之金
公伯寮脇肩譖笑欣然以彈文獻問何爲
詞則指袒裼裸裎爲詞謂士師民望也褻
官箴而狎比放誕是教侮也盡黜之魯君
猶豫三家執奏於是惠一黜則有爲辯者

曰惠肅以居官和以容衆何害三家曰一黜而懼未可知也姑復之惠執法如故三家復集同類謀之朝曰柳士師仍爲吾害奈何有彈者吾進之官叔孫武叔頓指氣使躍然以彈文進問何爲詞則執伊弟盜珣爲詞謂士師所以戢盜也弟干禁而兄居顯要是冀惡也必黜之魯君狐疑三家固爭於是惠二黜則又有爲辯者曰兄兄

弟弟罪不相及何害三家曰再黜而悔未
可知也姑復之惠執法又如初三家悍焉
謂柳士師終爲子毒也已夫坐以袒裼裸
裋薄愆耳牽以盜跖駕禍耳莫若以曖昧
隱罪使自辯與代辯俱窮時家臣陽貨鼓
掌獻計曰請以坐懷一事爲案其彈文出
諸袖中則云夫士師將以禁奸也乃以暮
夜潛奔之女而居然坐懷毋乃淫而莫須

有乎且安知非有約而投以不亂自文也
聞是女先以許夫因坐懷事離婚畏其爲
士師也不舉黜之何如斯時也三家以重
怨積怒持說甚堅而蔽賢媚惡之臧文仲
輩復從旁執奏於是魯君黽勉下令曰柳
下惠淫夫也永不復用噫此一事也其說
暮夜其人女子使自辯代辯俱以事屬曖
昧終難措喙三黜後禁錮終身矣

蔡筆娘

夸堅志南城陳不矜光道自桂林罷官歸
過洞庭夢絲衣童言是洞中龍子奉命告
君勿食蒜韭及犬後三年當有所遇及期
六月如商州道經藍田宿于藍橋驛夢向
童子執節而來曰仙子侯君遂導以行峻
崖峭壁童以節扣石壁聞鏗然掣鎖聲入
內棟宇華煥金壁絢赫進抵中堂見一女

方并姿態縹緲隱几寫書顧客至喜延對
席談說如雲陳乘間調之曰獨居悶乎笑
曰神聖無悶旣而置酒同飲人閒方酷暑
陳但覺清涼如深秋因言吾本蔡員外女
名嬋字清娘小名次心幼時善秦箏母更
字曰箏娘君仙材也得與君遇幸矣因出
白玉牌授之請曰君旣游物外不可無紀
陳操成十絕句曰玉貌青童洞裏回洞中

仙子有書催書詞問我何多事何不懸鸞
早早來一長恐凡材不合仙喜逢神女執
因緣雲中隱隱開金縷路入麻仙小有天
三海石榴花映綺窓碧芙蓉朶亞銀塘青
鸞不舞倉虬卧滿院春風白日長三沉沉
香霧映房櫳剪剪簷頭盡日風汗雨瑱稀
塵慮息始知身在菰珠宮四老聃西逝卽
浮屠莫恠窓間貝葉書長晒楊妃仙格勢

却教鸚鵡念真如。五常恠樂天。長恨詞釵
鈿寄語大傷悲。于今始信蓬萊上也。憶人
間有問時。六得到仙都。白玉堂。氤氲香澤
滿衣裳。非龍非麝。非沉水。疑是諸天異國
香。七玉女倚天多喜笑。素娥如月與精神。
假饒不許長年住。猶勝人間不遇人。八
漿飲罷日西沉。瞬息觀游抵萬金。塵累滿
懷。那住得。鳳簫休作別離音。九玉水玄流

三島上蟠桃生在五雲間若非去處那真
實劉阮昏迷錯往還十寫畢復飲款洽終
宵曾不及亂女命侍兒以簫度離鳳之曲
曲終而寤

長孫歐陽相嘲

全唐詩話長孫無忌朝飲湯詢形狀猥陋
云聳膊山成字埋肩畏出頭誰令麟閣上
画此一獼猴詢應聲云索頭連背煖漫當

畏肚寒祇緣心渾渾所以面團團太宗笑
曰詢殊不畏皇后耶

紅線

全唐詩話紅線潞州節度薛嵩青衣善彈
阮咸琴手紋隱起如紅線因以名之一日
紅線辭去冷朝陽爲詩曰採菱歌怨木蘭
舟近客魂銷百尺樓還似洛妃乘霧去碧
天無際水東流